

«Artigo 226 bis. *Constitución mediante fusión dunha sociedade anónima europea domiciliada noutro Estado membro.*

1. Na constitución dunha sociedade anónima europea domiciliada noutro Estado membro mediante fusión, en que participe unha sociedade española, será de aplicación o disposto nos puntos 1 e 2 do artigo 160 bis deste regulamento.

2. O nomeamento do experto ou expertos independentes que deban informar sobre o proxecto de fusión regularase polo establecido nos artigos 338 a 349 deste regulamento.

3. O dereito de separación dos socios que votasen en contra deberá exercerse por escrito no prazo dun mes contado desde a data do acordo de fusión. En documento público farase constar a declaración dos administradores de que ningún socio fixo uso do seu dereito de separación ou, en caso contrario, a declaración dos administradores da cal resulte o reembolso das accións correspondentes e os datos de identidade dos accionistas que exerceron tal dereito, logo de amortización daquelas e redución do capital social.

4. O rexistrador, á vista dos datos que constan no rexistro e na escritura pública de fusión presentada, e acreditados os trámites previstos nos puntos anteriores, certificará o cumprimento por parte da sociedade anónima española que se fusiona de todos os actos e trámites previos á fusión.»

Catorce. O artigo 230 queda redactado nos seguintes termos:

«Artigo 230. *Documentos complementarios.*

1. Para a súa inscrición, xuntaranse á escritura de fusión os seguintes documentos:

1.º O proxecto de fusión, salvo que se atope depositado no mesmo rexistro.

2.º Os exemplares dos diarios en que se publicasen a convocatoria da xunta e o acordo de fusión.

3.º O informe dos administradores de cada unha das sociedades que participan na fusión, explicando e xustificando o proxecto.

4.º O informe ou informes do experto ou expertos independentes sobre o proxecto de fusión e sobre o patrimonio achegado polas sociedades que se extinguen, cando foren obrigatorios.

2. No caso de constitución dunha sociedade anónima europea mediante fusión que vaia fixar o seu domicilio en España, achegaranse os certificados das autoridades correspondentes ao domicilio das sociedades estranxeiras participantes na fusión acreditativos da legalidade do procedemento de acordo coa lei aplicable e dos asentos vixentes que constan no rexistro de procedencia, así como o informe ou informes do experto ou expertos independentes.»

Quince. Engádese un novo artigo 309 bis que queda redactado nos seguintes termos:

«Artigo 309 bis. *Inscrición de sociedade anónima europea filial.*

A constitución e demais actos inscribíbles dunha sociedade anónima europea filial inscribíranse no rexistro mercantil do seu domicilio conforme o disposto para as sociedades anónimas, identificando as sociedades ou entidades matrices conforme o disposto no artigo 38 deste regulamento.»

Dezaseis. Engádese un novo parágrafo e) ao artigo 379, coa seguinte redacción:

«e) A comunicación á Oficina de Publicacións Oficiais das Comunidades Europeas dos datos a que se refire o artigo 14 do Regulamento CE 2157/2001 do Consello, do 8 de outubro, polo que se aproba o Estatuto da sociedade anónima europea.»

Dezasete. Engádese unha nova abreviatura, a 8.ª, ao final do punto 2 do artigo 403, coa seguinte redacción:

«8.ª S.E., para a sociedade anónima europea.»

Disposición derradeira única. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 25 de maio de 2007.

JUAN CARLOS R.

O ministro de Xustiza,
MARIANO FERNÁNDEZ BERMEJO

11322 *CORRECCIÓN de erros da Orde JUS/1492/2007, do 21 de maio, sobre organización da Avogacía do Estado no ámbito autonómico.* («BOE» 137, do 8-6-2007.)

Advertidos erros na Orde JUS/1492/2007, do 21 de maio, sobre organización da Avogacía do Estado no ámbito autonómico, publicada no «Boletín Oficial del Estado», suplemento número 15 en lingua galega, do 1 de xuño de 2007, procede realizar a oportuna corrección de erros:

Na páxina 2000, no anexo «Atribucións de conformidade co artigo 2.3», onde di: «Bilbao», debe decir: «Bizkaia».

Na páxina 2000, no anexo «Atribucións de conformidade co artigo 2.3», a continuación de «Cáceres», debe engadirse «Santa Cruz de Tenerife».

MINISTERIO DE TRABAJO E ASUNTOS SOCIAIS

11446 *REAL DECRETO 727/2007, do 8 de xuño, sobre criterios para determinar as intensidades de protección dos servizos e a contía das prestacións económicas da Lei 39/2006, do 14 de decembro, de promoción da autonomía persoal e atención ás persoas en situación de dependencia.* («BOE» 138, do 9-6-2007.)

O artigo 10.3 da Lei 39/2006, do 14 de decembro, de promoción da autonomía persoal e atención ás persoas en situación de dependencia establece que o Goberno, mediante real decreto, aprobará os criterios establecidos polo Consello Territorial do Sistema para a Autonomía e Atención á Dependencia para determinar a intensidade de protección dos servizos e a compatibilidade e incompatibilidade entre estes.

Así mesmo, o artigo 20 da citada lei establece que as contías das prestacións económicas, unha vez acordadas polo Consello Territorial, serán aprobadas polo Goberno mediante real decreto. De igual forma, o artigo 5.4 atribúelle ao Goberno, logo de acordo do dito consello, o

establecemento das condicións de acceso ao sistema dos emigrantes españois retornados.

Todas estas previsións e mandatos da lei aconsellan elaborar un único texto normativo que regule o que constitúe o nivel acordado de protección do Sistema para a Autonomía e Atención á Dependencia. Iso sen prexuízo de que as comunidades autónomas ou a Administración que, se é o caso, teña a competencia diten as normas de desenvolvemento e regulen sobre as condicións de acceso ás prestacións e servizos, sobre o réxime xurídico e acreditación dos centros, así como sobre calquera outra materia que, no exercicio das súas respectivas competencias, resulte necesaria para a aplicación desta lei.

As disposicións que se establecen neste real decreto en relación coas intensidades de protección dos servizos, compatibilidades e incompatibilidades entre estes e a contía das prestacións económicas, refírense ao contido prestacional que constitúe o dereito á promoción da autonomía e atención ás persoas en situación de dependencia, establecido nos niveis de protección 1.º e 2.º do artigo 7 da Lei 39/2006, do 14 de decembro.

Neste real decreto desenvólvense só os servizos e prestacións económicas correspondentes aos graos II e III de dependencia severa e gran dependencia, por considerar que o calendario de aplicación progresiva da lei, establecido no punto 1 da súa disposición derradeira primeira, e a avaliación de resultados tras os primeiros tres anos da súa aplicación, prevista no punto 3 desa mesma disposición derradeira, aconsellan pospoñer a regulación do grao I dependencia moderada.

Establécense tamén os mecanismos de coordinación para o caso das persoas que se despracen entre as distintas comunidades autónomas ou cidades de Ceuta e Melilla, de conformidade co acordo adoptado polo Consello Territorial con base no artigo 8.2.i) da Lei 39/2006, do 14 de decembro.

Este real decreto apróbase de conformidade cos acordos adoptados polo Consello Territorial do Sistema para a Autonomía e Atención á Dependencia sobre establecemento de criterios para determinar a intensidade de protección dos servizos e sobre as condicións e contía das prestacións económicas, previstos no artigo 8.2.b) e c).

Esta norma dítase en uso da facultade conferida ao Goberno na disposición derradeira quinta da Lei 39/2006, do 14 de decembro.

Na súa virtude, por proposta do ministro de Traballo e Asuntos Sociais, co informe do Ministerio de Economía e Facenda, de acordo co Consello de Estado e logo de deliberación do Consello de Ministros, na súa reunión do día 8 de xuño de 2007,

DISPÓÑO:

CAPÍTULO I

Disposicións xerais

Artigo 1. *Obxecto da norma.*

O obxecto desta disposición é aprobar os criterios para determinar a intensidade de protección de cada un dos servizos previstos no catálogo de servizos a que se refire o artigo 15 da Lei 39/2006, do 14 de decembro, de promoción da autonomía persoal e atención ás persoas en situación de dependencia e a compatibilidade e incompatibilidade entre estes, así como a contía das prestacións económicas. Así mesmo, régulanse os supostos de desprazamentos entre as comunidades autónomas e a protección dos emigrantes españois retornados.

Artigo 2. *Servizos e prestacións por grao e nivel de dependencia.*

1. Para facer efectivo o establecido no artigo 28.3 da Lei 39/2006, do 14 de decembro, determinanse a continuación os servizos e prestacións que corresponden aos graos II e III de dependencia:

a) Grao III nivel 1 e 2. Gran dependencia.

Servizos:

De prevención e de promoción da autonomía persoal.

De teleasistencia.

De axuda a domicilio.

De centro de día.

De centro de noite.

De atención residencial.

Prestacións económicas:

Prestación económica para cuidados no contorno familiar.

Prestación económica de asistencia persoal.

Prestación económica vinculada, nos supostos previstos na Lei 39/2006, do 14 de decembro.

b) Grao II nivel 1 e 2. Dependencia severa.

Servizos:

De prevención e de promoción da autonomía persoal.

De teleasistencia.

De axuda a domicilio.

De centro de día.

De centro de noite.

De atención residencial.

Prestacións económicas:

Prestación económica para cuidados no contorno familiar.

Prestación económica vinculada, nos supostos previstos na Lei 39/2006, do 14 de decembro.

Artigo 3. *Traslado do beneficiario entre comunidades autónomas e as cidades con estatuto de autonomía de Ceuta e Melilla.*

1. O beneficiario que tomase a decisión de trasladar a súa residencia fóra da comunidade autónoma ou das cidades de Ceuta e Melilla, que lle recoñecese o servizo ou aboe a prestación económica, está obrigado a comunicalo con antelación suficiente. Así mesmo, a comunidade autónoma de orixe debe poñelo en coñecemento da de destino, iniciándose a partir deste momento o prazo a que se refire o punto seguinte deste artigo.

2. Nos supostos en que o beneficiario traslade o seu domicilio de forma permanente ao territorio doutra comunidade ou ás cidades de Ceuta e Melilla, e co fin de dar continuidade á acción protectora, a Administración de destino deberá revisar o programa individual de atención no prazo máximo de tres meses, contado desde a data en que teña coñecemento do dito traslado. A Administración de orixe manterá, durante o dito prazo, o aboamento das prestacións económicas recoñecidas e suspenderá o dereito á prestación cando se trate dun servizo substituíndoos pola prestación vinculada ao servizo.

3. As persoas en situación de dependencia que se encontren temporalmente desprazadas da súa residencia habitual dentro do territorio español manterán o dereito e reserva do servizo, así como a obriga de aboar a participación no custo deste, ou continuarán, se é o caso, percibindo a prestación económica durante un tempo máximo de 90 días ao ano con cargo á Administración competente que lle fixase o programa individual de atención.

CAPÍTULO II

Intensidades de protección dos servizos do catálogo e réxime de compatibilidades**Artigo 4. Intensidades dos servizos.**

1. A intensidade de protección dos servizos de promoción de autonomía persoal e atención ás persoas en situación de dependencia, establecidos no artigo 15 da Lei 39/2006, do 14 de decembro, determínase polo contido prestacional de cada un dos servizos asistenciais e pola extensión ou duración deste, segundo o grao e nivel de dependencia, en concordancia co disposto no artigo 3.f) da citada lei.

2. Enténdese por servizos asistenciais os que debe recibir a persoa dependente para a súa atención e coidado persoal na realización das actividades da vida diaria, así como os que teñen como finalidade a promoción da súa autonomía persoal.

3. O transporte adaptado deberá garantirse cando polas condicións de mobilidade da persoa sexa necesario para a asistencia ao centro de día ou de noite.

Artigo 5. Intensidade do servizo de prevención das situacións de dependencia.

1. As persoas en situación de dependencia nalgún dos graos establecidos recibirán servizos de prevención co obxecto de previr o agravamento do seu grao e nivel de dependencia, incluíndo esta atención nos programas de teleasistencia, de axuda a domicilio, dos centros de día e de atención residencial.

2. Os plans de prevención para previr a aparición das situacións de dependencia e o seu agravamento, elaborados polas correspondentes comunidades autónomas ou Administración que, se é o caso, teña a competencia, determinarán as intensidades dos servizos de prevención do Sistema para a Autonomía e Atención á Dependencia no seu correspondente ámbito territorial.

Artigo 6. Intensidade do servizo de promoción da autonomía persoal.

1. Os servizos de promoción da autonomía persoal teñen por finalidade desenvolver e manter a capacidade persoal de controlar, afrontar e tomar decisións respecto de como vivir de acordo coas normas e preferencias propias e facilitar a execución das actividades básicas da vida diaria.

2. Son servizos de promoción para a autonomía persoal os de asesoramento, orientación, asistencia e formación en tecnoloxías de apoio e adaptacións que contribúan a facilitar a realización das actividades da vida diaria, os de habilitación, os de terapia ocupacional así como calquera outro programa de intervención que se estableza coa mesma finalidade.

3. A intensidade deste servizo adecuarase ás necesidades persoais de promoción da autonomía, á infraestrutura dos recursos existentes e ás normas que establezan as correspondentes comunidades autónomas ou a Administración que, se é o caso, teña a competencia.

Artigo 7. Intensidade do servizo de teleasistencia.

1. O servizo de teleasistencia ten por finalidade atender os beneficiarios mediante o uso de tecnoloxías da comunicación e da información e apoio dos medios persoais necesarios, en resposta inmediata ante situacións de emerxencia, ou de inseguridade, soidade e illamento e co fin de favorecer a permanencia dos usuarios no seu medio habitual.

2. O servizo de teleasistencia prestarase para as persoas en situación de dependencia conforme o establecido

no programa individual de atención, nas condicións establecidas por cada comunidade autónoma ou Administración que, se é o caso, teña a competencia.

Artigo 8. Intensidade do servizo de axuda a domicilio.

1. O servizo de axuda a domicilio constitúe o conxunto de actuacións levadas a cabo no domicilio das persoas en situación de dependencia co fin de atender as súas necesidades da vida diaria e incrementar a súa autonomía, posibilitando a permanencia no seu domicilio o maior tempo posible.

2. Este servizo comprende a atención persoal na realización das actividades da vida diaria e a cobertura das necesidades domésticas, mediante os servizos previstos no artigo 23 de Lei 39/2006 e os que no seu desenvolvemento poidan ser establecidos polas comunidades autónomas ou Administración que, se é o caso, teña a competencia.

3. Para determinar a intensidade do servizo de axuda a domicilio utilízase o termo horas de atención. A hora, neste contexto, refírese, por tanto, ao módulo asistencial de carácter unitario, cuxo contido prestacional se traduce nunha intervención de atención persoal ao beneficiario.

4. A intensidade do servizo de axuda a domicilio estará en función do programa individual de atención e determinarase en número de horas mensuais de servizos asistenciais, mediante intervalos segundo grao e nivel de dependencia, de acordo co anexo I.

Artigo 9. Intensidade do servizo de centro de día e de noite.

1. O centro de día e de noite público ou acreditado axustará os servizos establecidos no artigo 24 da Lei 39/2006, do 14 de decembro, ás necesidades das persoas en situación de dependencia atendidas segundo o seu grao e nivel. Iso sen prexuízo dos servizos e programas que se establezan mediante normativa das comunidades autónomas ou Administración que, se é o caso, teña a competencia.

2. Tendo en conta a tipoloxía de centros establecida no artigo 15.1.d), da Lei 39/2006, os centros de día adecuaranse para ofrecer atención especializada ás persoas declaradas en situación de dependencia.

3. Os centros de noite teñen por finalidade dar resposta ás necesidades da persoa en situación de dependencia que precise atención durante a noite. Os servizos axustaranse ás necesidades específicas dos beneficiarios atendidos.

4. A intensidade do servizo de centro de día ou de noite estará en función dos servizos do centro que precisa a persoa con dependencia, de acordo co seu programa individual de atención.

5. As comunidades autónomas ou a Administración que, se é o caso, teña a competencia, determinarán os servizos e programas e outras actividades dos centros para cada grao e nivel de dependencia.

Artigo 10. Intensidade do servizo de atención residencial.

1. O servizo de atención residencial ofrece unha atención integral e continuada, de carácter persoal, social e sanitario, que se prestará en centros residenciais, públicos ou acreditados, tendo en conta a natureza da dependencia, grao desta e intensidade de coidados que precise a persoa. Pode ter carácter permanente, cando o centro residencial sexa a residencia habitual da persoa, ou temporal, cando se atendan estadias temporais de convalecencia ou durante vacacións, fins de semana e enfermidades ou períodos de descanso dos coidadores non profesionais.

2. O servizo de atención residencial axustará os servizos e programas de intervención ás necesidades das persoas en situación de dependencia atendidas.

3. A intensidade do servizo de atención residencial estará en función dos servizos do centro que precisa a persoa con dependencia, de acordo co seu programa individual de atención.

4. As comunidades autónomas ou a Administración que, se é o caso, teña a competencia determinarán os servizos e programas dos centros para cada grao e nivel de dependencia.

5. O servizo de estadias temporais en centro residencial estará en función da dispoñibilidade de prazas do Sistema para a Autonomía e Atención á Dependencia en cada comunidade autónoma e do número de persoas atendidas mediante coidados no contorno familiar.

Artigo 11. Réxime de incompatibilidades entre os servizos do catálogo.

O servizo de atención residencial permanente será incompatible co servizo de teleasistencia, co servizo de axuda a domicilio e co centro de noite. Nos demais servizos haberá que a terse ao disposto na normativa das comunidades autónomas ou a Administración que, se é o caso, teña a competencia.

CAPÍTULO III

A contía das prestacións económicas

Artigo 12. Regulación dos requisitos e condicións de acceso ás prestacións económicas.

Os requisitos e condicións de acceso ás prestacións económicas será establecido polas comunidades autónomas ou a Administración que, se é o caso, teña a competencia, tendo en conta o disposto no acordo adoptado polo Consello Territorial do Sistema para a Autonomía e Atención á Dependencia.

Artigo 13. Determinación da contía das prestacións económicas.

1. A contía das prestacións económicas do Sistema para a Autonomía e Atención á Dependencia será establecida anualmente polo Goberno mediante real decreto, logo de acordo do Consello Territorial, para os graos e niveis con dereito a prestacións, actualizándose en función do incremento do IPC.

Para o ano 2007 as contías máximas das prestacións económicas correspondentes ao grao III, gran dependencia, niveis 1 e 2, serán as que se determinan no anexo II.

2. O importe da prestación económica que se lle recoñecerá a cada beneficiario determinarase aplicando á contía vixente para cada ano un coeficiente redutor segundo a súa capacidade económica, de acordo co establecido pola comunidade autónoma ou Administración que, se é o caso, teña a competencia e terá en consideración o que acorde o Consello Territorial do Sistema para a Autonomía e Atención á Dependencia.

Artigo 14. Deducións por prestacións de análoga natureza e finalidade.

Nos supostos en que o beneficiario sexa titular de calquera outra prestación de análoga natureza e finalidade establecida noutro réxime público de protección social, do importe que se lle recoñecerá, a que se refire o artigo anterior, deduciranse as seguintes prestacións: o complemento de grande invalidez, o complemento da asignación económica por fillo a cargo maior de 18 anos cun grao de minusvalidez igual ou superior ao 75 por cento, o comple-

mento por necesidade de terceira persoa da pensión de invalidez non contributiva, regulados nos artigos 139.4, 182 bis.2c, 145.6 da Lei xeral da Seguridade Social, texto refundido aprobado por Real decreto lexislativo 1/1994, do 20 de xuño. Así mesmo, deducirase o subsidio de axuda a terceira persoa, previsto no artigo 12.2.c), da Lei 13/1982, do 7 de abril, de integración social dos minusválidos, (LISMI).

Disposición adicional única. A atención á dependencia dos emigrantes españois retornados.

As persoas en situación de dependencia que, como consecuencia da súa condición de emigrantes españois retornados, non cumpran o requisito establecido na letra c) do artigo 5.1 da Lei 39/2006, do 14 de decembro, por non ter residido en territorio español nos termos establecidos no citado artigo, poderán acceder a prestacións asistenciais con igual contido e extensión que as prestacións e axudas económicas reguladas nesta, nos termos que a continuación se establecen:

a) Corresponderalle á comunidade autónoma de residencia do emigrante retornado a valoración da situación de dependencia, o recoñecemento do dereito, se é o caso, e a prestación do servizo ou pagamento da prestación económica que se determine no programa individual de atención.

b) O custo dos servizos e prestacións económicas será asumido pola Administración xeral do Estado e a correspondente comunidade autónoma, na forma establecida no artigo 32 da Lei 39/2006, do 14 de decembro.

c) O beneficiario a que se refire esta disposición participará, segundo a súa capacidade económica, no financiamento destas, que será tamén tido en conta para determinar a contía das prestacións económicas.

d) As prestacións recoñeceranse sempre por instancia dos emigrantes españois retornados e extinguiranse, en todo caso, cando o beneficiario, por cumprir o período exixido de residencia en territorio español, poida acceder ás prestacións do Sistema para a Autonomía e Atención á Dependencia.

Disposición derradeira primeira. Habilitación de desenvolvemento.

Facúltase o ministro de Traballo e Asuntos Sociais para ditar as disposicións que sexan necesarias para a aplicación e desenvolvemento deste real decreto.

Disposición derradeira segunda. Entrada en vigor.

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 8 de xuño de 2007.

JUAN CARLOS R.

O ministro de Traballo e Asuntos Sociais,
JESÚS CALDERA SÁNCHEZ-CAPITÁN

ANEXO I

Intensidade do servizo de axuda a domicilio, segundo grao e nivel de dependencia

	Horas de atención — Horas mensuais
Grao III. Gran dependencia:	
Nivel 2	Entre 70 e 90
Nivel 1	Entre 55 e 70

Horas de atención
–
Horas mensuais

Grao II. Dependencia severa:	
Nivel 2	Entre 40 e 55
Nivel 1	Entre 30 e 40

ANEXO II

Contías máximas das prestacións económicas por grao e nivel para o ano 2007

Graos e niveis	Prestación económica vinculada ao servizo	Prestación económica para coidados no contorno familiar	Prestación económica de asistencia persoal
	– Euros mensuais	– Euros mensuais	– Euros mensuais
Grao III. Nivel 2	780	487	780
Grao III. Nivel 1	585	390	585

MINISTERIO DE AGRICULTURA, PESCA E ALIMENTACIÓN

11449 REAL DECRETO 662/2007, do 25 de maio, sobre selección e reprodución de gando equino de razas puras. («BOE» 138, do 9-6-2007.)

A Directiva do Consello 90/427/CEE, do 26 de xuño de 1990, relativa ás condicións zootécnicas e xenealóxicas que regulan os intercambios intracomunitarios de équidos, constitúe a base en que se apoia a lexislación comunitaria sobre selección e reprodución de razas de gando equino, con especial tratamento dos libros xenealóxicos. Os criterios e requisitos para o recoñecemento oficial das asociacións de criadores prevense na Decisión 92/353/CEE da Comisión, do 11 de xuño de 1992, pola que se establecen os criterios para a autorización ou o recoñecemento das organizacións e asociacións que leven ou creen libros xenealóxicos para équidos rexistrados.

Dentro deste marco, mediante o Real decreto 1026/1993, do 25 de xuño, sobre selección e reprodución de gando equino de razas puras, incorporouse ao noso ordenamento esta directiva. Esta norma foi derogada mediante o Real decreto 1133/2002, do 31 de outubro, polo que se regula no ámbito das razas equinas o réxime xurídico dos libros xenealóxicos, as asociacións de criadores e as características zootécnicas das distintas razas, que, mantendo os criterios comunitarios, establecía as condicións zootécnicas e xenealóxicas dos équidos de pura raza e équidos rexistrados, o réxime xurídico referente á xestión dos libros xenealóxicos, os procedementos e criterios de inscrición e as pautas para a selección de reprodutores.

En función da favorable evolución deste sector, posta de manifesto polo incremento do censo rexistrado en libros xenealóxicos, da mellora da calidade e pola proxección internacional dos équidos criados en España, tanto de razas propias coma foráneas, procede modificar a dita normativa, o cal permitirá, por outra parte, equiparar a normativa reguladora en materia de selección e reprodución á existente para o resto de especies gandeiras. Así, liberalízase o réxime daqueles libros xestiona-

dos por un servizo oficial para que poidan xestionalos as asociacións recoñecidas con eses fins, sempre que cumpran os requisitos previstos nesta disposición, e establécense algunhas obrigas para garantir a adecuada xestión das razas, evitando que a posible dispersión de criterios entre as asociacións poida comprometer a correcta aplicación dos programas de mellora.

Así mesmo, a normativa comunitaria pretende acadar un desenvolvemento racional da produción de équidos e incrementar a súa produtividade e a súa calidade, polo que regula os criterios zootécnicos dos équidos rexistrados e do seu material xenético, para garantir o libre comercio e as importacións, de tal forma que as transaccións entre países se realicen harmonizadamente e non se limiten ou obstaculicen por razóns zootécnicas as inscricións nos libros xenealóxicos e o recoñecemento de asociacións, polo que é preciso unha normativa que achegue uns criterios comúns que reforcen as garantías zootécnicas, facilitando así o comercio exterior e a incorporación aos programas de mellora de animais que xa presentan un valor engadido.

Na tramitación deste real decreto consultáronse as entidades representativas dos intereses dos sectores afectados e as comunidades autónomas.

Na súa virtude, por proposta da ministra de Agricultura, Pesca e Alimentación, coa aprobación previa do ministro de Administracións Públicas, de acordo co Consello de Estado e logo de deliberación do Consello de Ministros na súa reunión do día 25 de maio de 2007,

DISPONGO:

CAPÍTULO I

Disposicións xerais

Artigo 1. *Obxecto.*

Este real decreto ten por obxecto establecer:

- O réxime xurídico do recoñecemento oficial das asociacións de criadores de équidos rexistrados para o mantemento ou xestión dos libros xenealóxicos.
- As condicións zootécnicas e xenealóxicas que regulan os intercambios comunitarios de équidos e as importacións de países terceiros.
- O réxime xurídico dos libros xenealóxicos de équidos así como os criterios de inscrición dos animais, e de selección de reprodutores neles.

Artigo 2. *Definicións.*

Para os efectos deste real decreto entenderase como:

- Équido: o animal doméstico da especie equina ou asnal, ou o animal obtido do cruzamento destas.
- Équido rexistrado: o équido inscrito ou rexistrado nun libro xenealóxico ou que poida selo, identificado mediante o documento a que se refire o artigo 22.3. Os équidos rexistrados serán considerados de raza pura.
- Libro xenealóxico: calquera libro, rexistro, ficheiro ou sistema informático levado por unha asociación recoñecida oficialmente, no cal se inscriban ou rexistren os équidos de cada raza, facendo mención de todos os seus ascendentes coñecidos.
- Control técnico dunha raza: labor de supervisión e verificación da adecuada estrutura e xestión do libro xenealóxico e do programa de mellora das razas puras equinas, que realiza a autoridade competente.
- Programa de mellora: conxunto de actuacións sistematizadas, deseñadas e desenvolvidas para a con-